

BONERIANO

EDITOR:
Bonaire Communication Services N.V.

Djaluna 22 ougùstùs 2022 | Preis:\$1.00

FAMIA PREOKUPÁ PA COVID NA KAS DI KUIDO

Elephant Daycare na lokalidat nobo



Elephant Daycare a habri djasabra atardi na nan lokalidat nobo den Kaya Merengue. Foto ta mustra e lidernan ku ta atendé ku e muchanan na Elephant Daycare e atardi di apertura.

xerox™

OBERSI
ELECTRONICS
BONAIRE

CHANGAN AUTO



F70 4x4

f /dabboussimotors



\$10 FREE SLOT PLAY

Sign up for your **FREE** Player's Card and receive \$10 in **FREE** Slot Play!

Open Monday - Saturday 8pm to 4am | Sunday 7pm to 3am | (599) 717-3504
diviflamingocasino.com | ATM available

DIVI FLAMINGO CASINO

HAIR BARBERSHOP

Hanchi lenks pabou di Gas Ekspress

Habri 5 dia!
Tel: +599 788-2228 / +5999 529-2228

f hair cut

Wi-Fi

Sospechosonan ta basha 'bou den korte

KRALENDIJK – Djáron 17 di ougùstùs 2022 i djaweps 18 di ougùstùs 2022 Korte den Promé-Instansia a atendé e kaso di vários atrako i kiebro. Ministerio Públiko a tene e hòmbenan Timothy D., Shakiem J., Nathaniel T., Bernard A., Jokennys F. i Jamerickson P. responsabel pa ku e echonan kastigabel aki.

Durante e huisio riba 17 di ougùstùs último, Jokennys ta mensioná e nòmber di Renzo Engelhardt komo esun ku a inisiá e plan pa kometé e krimennan aki.

Riba 18 di ougùstùs fiskal tabata kuestioná Timothy D. “Ken su plan tabata pa hasi esaki?”

“Esun ku a bini ku e plan ni sikiera a detené”, Timothy a kontestá.

“Ken e ta?”, fiskal ta puntra.

“Mi ta kere ku ayera e

nòmber ya a bin dilanti den e sala aki. Nan a bisa mi ku nan a tende un mensahe di bos di e persona. Pero no a hasi nada kuné.”, Timothy ta agregá.

“Esei no ta bisa ami nada. Bo ta bisa ku nos tur sa ta ken e hende ta. Pues no ta importá si bo mensioná su nòmber”, fiskal ta insistí.

“Mi no sa kiko mi mes-ter bisa awor”, Timothy ta remarká.

“Mi pregunta ta si bo sa ta ken a bin ku e plan.”

“Lokual mi por bisa ta, si mi mensioná e nòmber mes, e no ta kambia nada pero mi bida si ta na peliger”, Timothy ta splika.

“Si ami bisa e nòmber i abo confirmá esaki?”, fiskal ta puntra. Timothy a duda un frakshon di sekònde.

“Tabata Engelhardt?”, fiskal ta puntra i Timothy ta sakudí kabes i confirmá

e nòmber ku segun e sospechosonan tambe ta involukrá den e krimennan.

Ken ta papia bèrdat?

Durante su huisio Bernard A. a disidí na tira falta riba Jamerickson P. Malechornan a laga un ‘ducktape’ atras den un kas ku nan a kibra i drenta.

Riba e ‘ducktape’ aki a haña DNA di Bernard.

El a splika hues ku el a kumpra e ‘ducktape’ pa propio uso i ku probablemente ta Jamerickson a kue i a us’ e durante e kiebro.

Interesante ta ku apesar ku nòmber di un persona a kai ku supuestamente ta envolví, hues a sera e investigashonnan pa ku e sospechosonan i lo bini riba 7 di sèptèmber próksimo ku un veredikto.

Den kombersashon ku BONERIANO, fiskal Riehart-Martis, a duna di ko-

nosé ku ta dependé e índole di e informashon nobo ku lo disidí si lo habri e kaso òf no.

Pues ainda outoridatnan

por hasi investigashon pa ku e identidat di e persona mensioná. I si enberdat e tambe a hasi su mes kulpabel pa ku e krimennan aki.

BròKèS 93.5 FM
Tono Positivo, Ritmo Dibertido

STUDIO Telefon & WhatsApp
+599 701 0935

Maneho General;
Djoni Leoneta +599 786 9091
Maneho administrativo;
Ethel Leoneta +599 796 9133
email; 93.5boneiru@gmail.com



èxtra
...number 1

www.extraboneiru.com

UPAH



INVITASHON REUNION

Direktiva di Union di Pensionado pa Adelanto i Hustisia di akuerdo ku artikulo 17, insiso 2 i 3 di statuto i artikulo 7 di reglamentu doméstiko, ta invitá tur su miembronan na su

Reunion general estatutario 2022 NA BONEIRU

Fecha : djadumingu 28 ougùstùs 2022
Lugá : Sala reunion edifisio di Scouting na Kaya Nikiboko Nrd. 2
Ora : 11.30 a.m.

AGÈNDA:

1. Apèrtura
2. Aprobashon di agènda
3. Partisipashon
4. Fiha nótulonon di Reunion General estatutario di dia 18 di ougùstùs 2019 na Boneiru.
5. Fiha notulonon di Reunion General estatutario di dia 11 ougùstùs 2019 na Kòrsou
6. Fiha relato anual 2019 i 2020 di sekretario
7. Fiha relato finansiero 2019 i 2020 di tesorerero
8. Fiha relato di komishon di kontròl finansiero 2019 i 2020
9. Fiha kontribushon pa aña 2023
10. Fiha presupuesto di UPAH pa aña 2023
11. Nombramentu di un komishon nobo di kontròl finansiero
12. Relato anual Komishon di Aktivitat di UPAH
13. Maneho di Direktiva
14. Nombramentu di Komishon pa elekshon di miembro pa Direktiva
15. Elekshon di miembro pa Direktiva
16. Resultado di elekshon di miembro pa Direktiva
17. Proposishon(nan) di Direktiva i/o di miembronan (artíkulo 17 lèter h di statuto i artikulo 8 di Reglamentu Doméstiko)
18. Turno liber
19. Klousura.

Presidente
O. Martina

Sekretario
R. Vornis


Tesorero
W. Ernestina

Agradesido pa tur loke e la nifiká pa nos, nos ta partisipá fayasimentu di nos tata, welu i ruman stimá

**Pedro Maximiliano
Wim Cicilia**

mihó konosí komo
Wim the Fugitive
*22-10-1944 † 14-08-2022

**Akto di entieru a tuma lugá
den seno familiar.**





Dos siman pasá nos (FuHiKuBo) a hasi un yamada pa haña boluntario pa yuda ku trabounan ku mester tuma lugá pa pone spesialmente nos archivo. Te asina leu ku mi sa, kasi niun hende no a reakshoná. Mi ta haña e kos aki tristu. Mi ta puntra mi mes na unda tur esnan ku boka grandi ku nan stima Boneiru a keda? Un amor pa Boneiru ku ta den boka so, den palabra, no den echo. Mi ta sinti bèrgwensa pa nos mes hendenan.

No ta nifiká ku no tin hende lokal, 'boneriano di pura sepa', embolbí den e trabounan lokal. Pero masha tiki. Mi por menshoná nan tambe na nòmber: Ubaldo Anthony, Chon Theodora, Jeanette Heitkönig, Mientje de Palm, Delno Tromp, Jenny Pouri-er... Ehèmpel di hendenan ku amor real pa e isla aki.

Pero e boluntario mayó no ta un boneriano outéntiko, sino un yu di Kòrsou: Nicky Pietersz. Si no tabata pa Nicky, masha ten lo mi a tira sèrbètè den 'ring'. Nicky tin sinembargo relashon familiar ku Boneiru, famia Debrot ku a biba riba e isla aki den siglonan 19 i 20. Nicky su tio grandi Colá Debrot a bira konosí komo e promé gobernador krioyo di Antia Hulandes i un famoso eskritor i poeta.

Afortunadamente mi ta ripará tendensia di algun persona mas pa yega serka FuHiKuBo pa hasi trabou boluntario. Realisá ku e trabou boluntario no ta pa ami, sino pa Boneiru. Nos lo bai intensivá e kampaña pa rekrutá boluntario pa FuHiKuBo e dianan benidero, sperando ku nos ta logra haña algun mas.

Bisa kiko ku bo ke, pero hulandes-oropeo, makamba, ta hopi mas embolbí den nos trabounan komo boluntario último. Na momentu ku bo hasi un yamada riba nan, nan ta sali fo'i tur skina pa yuda. Ehèmpel ta algun hulandes-oropeo ku a logra pone nos biblioteka na òrdu di un manera ku den forma rápido bo por yega na e buki ku bo ke konsultá. Pero tin trabou, debí ku nan no ta komprondé Papiamentu, ku nan no por hasi. Mester aki di hende di nos mes.

FAMIA PREOKUPÁ PA COVID NA KAS DI KUIDO

KRALENDIJK – Tin hopi preokupashon ta biba den seno di hendenan ku tin famia na Kas di Kuido di Fundashon Mariadal (FMD). Esaki pa motibu di e brote di Covid ku ta asotando e instituto aki pa kuida di hende grandi. A sali informashon ku tin sigur un persona a muri kaba di Covid den e instituto. Fundashon Mariadal mes no ta papia ainda di un otro morto ku a kai, pero sí djabièrnè ultimo a atmití ku por papia di un brote.

Den un komunikado emití den fin di siman Fundashon Mariadal a suprayá nan mes preokupashon pa e brote di corona na Kas di Kuido, ku ta ubiká den mesun kompleho ku hospital tambe ta situá.

Segun Fundashon Mariadal, pa motibu di un brote di Corona den Kas di Kuido, Fundashon Mariadal riba djaweps a pasa opa kuido di kohorte, manera nan ta yam'è, di pashèntnan di Covid. Durante e dianan tras di lomba e kantidat di habitante kontagiá a oumentá te na en total 28 kaso. Kuater empleado tambe a tèst positivo. Lamentablemente riba djaluna último un habitante a fayesé komo konsekuensia di Covid.

Kohorte

E habitantenan di Kas di Kuido di Fundashon Mariadal ku a pega ku e vírùs, den mayoria kaso tin síntoma leve te hopi leve. Pa motibu ku e vírùs aktual ta asina contagioso, e por a plama rápidamente. Pa freña mas kontagio a disidí pa organisá dos tersera parti di Kas di Kuido komo departamento di kohorte.

Un departamento di kohorte ta un espasio kaminda ta separá pashèntnan ku tin e mesun vírùs estriktamente for di otro pashèntnan i kaminda nan ta haña kuido

na un manera adekuá den isolashon den grupo. Pa esaki reglanan estrikto ta na vigor. Espektativa ta ku lo mantené e kohorte durante mas òf ménos dos siman.

Habitantenan di Kas di Kuido ku ta den e departamento di kohorte no tin mag di risibí bishita. A pone famianan di e habitantenan di Kas di Kuido na altura di e situashon. Banda di e medidanan spesífiko di Kohorte, naturalmente Fundashon Mariadal ta duna tur atenshon na bienestar i salú di su empleadonan.

Operashon

Pa motibu di e grado haltu di kontagio den Kas di Kuido i e potensial peliger pa e sobrá kuido regular, Fundashon Mariadal a haña su mes obligá pa kanselá e operashonnan ku no ta di emergensia. E pashèntnan enbolbí a risibí informashon tokante esaki.

Ku e adaptashon aki Fundashon Mariadal por pone sufisiente empleo disponibel pa kuido den Kas di Kuido. Kada dia ta evaluá e situashon i den kaso ku esaki ta nesario, lo kanselá e intervencionnan kirúrgiko riba djaluna tambe. Sinembargo te ku awor no ta ferwagt ku esaki ta bai pasa.

Investigashon

For di investigashon pa loke ta trata fuente di e kontagionan a resultá ku esaki no a tuma lugá for di e personal di Kas di Kuido. E habitantenan tabatin hopi libertat pa move. Por ehèmpel nan a bai hasi bishita serka famia, nan a bishitá aktividatnan pafó di Kas di Kuido i nan a bai misa.

“Hopi medida di preokushon a keda kanselá na Boneiru, pero naturalmente e vírùs ta serka nos ainda. Tambe ta práktikamente imposibel pa laga habitan-

tenan ku ta sufri di demensia tene nan mes na regla. Pa e motibu akí e vírùs por a plama rápidamente den Kas di Kuido”, segun un komunikado di Fundashon Mariadal.

Medida

Bakunashon kontra Covid ta keda di gran importancia. Hende ku a bakuná no ta bira malu asina lihè, e kehonan den kaso di kontagio ta ménos grave i e chèns pa pega ku e vírùs ta bira menos. Pa e motibu akí Fundashon Mariadal ta konsehá tur hende pa bai bakuná. Dentro di poko un bakuna nobo ta bira disponibel pa poblashon i ta konsehabel pa bai pasa e angua akí. Bishita na hòspital pa loke ta trata e departamentonan di Sentebibu i

Special Care sí ta pèrmití. Bishitantenan mester bisti e tapaboka korekto. No ta pèrmití tapaboka di katuna den Fundashon Mariadal. Ta pidi bishitantenan ku tin keho kousá pa un vírùs, pa no bin bishitá pashèntnan ku ta hospitalisá.

Kritika

Tin basta krítika riba FMD ku, segun famianan, a laga e situashon aki yega asina leu. Por premirá ku un situashon asina lo a surgi na momentu ku a suavisá i te asta kita medida di Covid na entrada di Kas di Kuido, sabiendo kon delikado hende grandi ta.

Otro remarke ku a yega na redakshon di BONERIANO ta e echo ku parse tin miembro di personal di FMD ta nenga di bakuná.

Durante tratamentu di kaso penal:

Fiskal ta kue fada ku hues

KRALENDIJK- Fiskal mr. Marius Teengs-Gerritsen a reakshoná basta iritá riba un remarke di hues mr. Jörgen Snitker durante tratamentu di un kaso penal. Korte den Promé Instansia a reservá dos dia pa atendé un kaso konserní diferente atrako i kiebro. Por a nota ku e fiskal aki a tuma e akusashonnan kontra di e sospechosonan hopi serio.

Riba e segundo dia di tratamentu, na momentu ku e fiskal tabata hasi su rueda di pregunta, hues a bis'e pa mantené esaki kòrtiku.

“Bo ta bisa mi pa tené kòrtiku. Ayera tambe bo a bisa mi esaki. Mi no ta tené kòrtiku, mi tin ku pasa dor di tur e karga di prueba”, mr. Teengs-Gerritsen ta bisa bastante iritá.

“Komo hues mi tin ku

vigilá e ora tambe”, hues ta reakshoná. Aki a surgi un diskushon kòrtiku entre ámbos hurista.

Dado momentu hues ta bisa e fiskal ku sala di korte no ta e lugá apropiá pa hiba e diskushon.

“Ta abo a hasi e remarke durante huisio”, e fiskal ta bisa.

Tin ku remarká ku tabata opvio ku ta reina algun iritashon entre e fiskal i e hues.

Durante tratamentu di diferente kasonan por nota na e idioma di kurpa di e fiskal ku e no ta apresia e manera ku e hues aki ta hiba un huisio.

Partikularmente na momentu ku ta aparentá ku e hues ta trata un sospechoso basta suave i nenga di bai di akuerdo ku petishonnan di Ministerio Públiko.

Ministerio Públiko no ta hasi wega ku atrakadónan:

Demanda pisá pa grupo sospechá di kometé vários atrako

KRALENDIJK – E mensahe di Ministerio Públiko (OM) pa komunidad den su totalidat ta kla i raspá. Mirando e demanda di OM den e kaso di vários atrako i kiebros, por konkluí solamente un kos. Ministerio Públiko no ta tolerá atrako ku uso di violensia kontra víktimanan. Riba 17 i 18 di ougùstùs 2022 Korte den Promé Instansia a atendé e kaso aki den su contenido. Pa OM e úniko manera di atendé ku e kaso aki ta pa baha pisá riba e malechornan. Jokennys F. a skucha e demanda di kastigu di prizòn di 7 aña. Pa Nathaniel T. a pidi un kastigu di prizòn di 5 aña i pa Timo-

thy D. un kastigu di prizòn di 7 aña. Pa Bernard A. 9 aña di prizòn i Shakiem J. a skucha e demanda pisá di kastigu di prizòn di 16 aña.

Abogadonan Winkel, Van Lieshout i Nicolaas tabata enkargá ku defensa di e grupo miéntras fiskal mr. Teengs- Gerritsen a representá OM. Tin ku mensioná ku e fiskal tabata sumamente fuerte den su rekisitorio i a hasi su opinion klaro pa sala di korte kompleto.

P’e, e echonan kastigabel tabata baho i repugnant. Dos persona ku ta víktima di kiebros den nan kas a presentá den sala di korte i a entregá petishon

pa daño i perhuisio. Nan a pidi e montante di 2400 dòler.

Atrakonan

Segun e dosié penal, e promé atrako a sosodé riba 6 di sèptèmber 2021 i tabata kontra un señora di 80 aña di edat den kua a usa violensia kontra e víktima. E segundo atrako a sosodé riba 15 di sèptèmber 2021 den un kas na Sabadeco durante kua un pareha tabata presente. Aki tambe a agredí e pareha i a usa violensia spesialmente kontra e hòmbes. Durante e investigashon penal polis a konkluí ku entre e dos fecha aki riba mensioná, mas

kiebros a tuma lugá. Na momento ku polis a hasi entrada hudisial relashoná ku e atrakon aki, a bin topa ku botin di otro kiebros. A agregá e akusashon di vários kiebros na e dosié penal, lokual a hasi e dosié i investigashon basta ekstenso.

Brutalidad

Tin ku mensioná ku fiskal a pone hopi énfasis riba e ekseso di violensia ku a usa kontra e víktima hòmbes durante e atrako. E daño mental ku e atrakadónan a okashoná riba e víktimanan ta basta proporshonal.

Segun fiskal no por deskartá i lubidá e brutalidat di e akto aki. No solamente a

kita pertenensia di e hendenan pero alabes a maltratá víktimanan, ku mirando nan edat ta basta vulnerabel.

Pa motibu di falta di prueba, fiskal a pidi pa absolvé e sospechosonan di un kiebros. Pa e motibu aki el a pidi korte pa anulá e petishon pa daño di perhuisio. Riba 7 di sèptèmber próksimo Korte den Promé Instansia lo sentensia e grupo di hòmbes aki.

Ta interesante pa mira si korte ta kompartí mesun opinion ku e fiskal, pa ku e demandanan pisá.

Òf si hues lo kondená e hòmbesnan i alabes baha suave riba nan.

Den kaso di vários atrako:

Hóben ta pidi hues un último chèns

KRALENDIJK – “Un kos mi ke bisa, mi ke haña un chèns mas”, tabata e último palabranan di Jamerickson P. (18) na final di su kaso penal. Korte den Promé Instansia a atendé e kaso di vários atrako kontra un grupo di sospechoso riba 17 i 18 di ougùstùs último. A repartí e hòmbesnan di tal manera ku nan a presentá komo duo dilanti hues. Jamerickson a presentá su so dilanti hues riba djáron 17 di ougùstùs último.

Abogado mr. Anthony Nicolaas tabata enkargá ku e defensa miéntras mr. Marius Teengs-Gerritsen a fungi komo fiskal. Tin ku mensioná ku sala di korte tabata praktikamente yen ku kolaboradónan di entre otro Jeugd zorg i JICN. Daisy Hoyer a fungi komo intérprete den kaso aki.

Tin ku remarká ku anteriormente a suspendé e aresto preventivo di Jamerickson i a lag’e den libertat ku un banchi na su ènkel.

Pero el a violá e kondishonnan di e suspenshon, pues a bolbe enkarselá e hóben aki.

Atrakonan

Pa Jamerickson e akusashon di mas grave ta di e segundo atrako den e dosié penal, ku a sosodé riba 15 di sèptèmber 2021 den un kas na Sabadeco durante kua un pareha tabata presente. Aki tambe a agredí e pareha i a usa violensia spesialmente kontra e hòmbes. E sospechoso a atmití di ta involukrá den e atrako aki pero ta ninga tur klase di partisipashon di otro atrako i e diferente kiebronan konosí den e dosié. Segun e deklarashon di Jamerickson na polis, e tabata na kas na momentu ku Djama i Nati a bin busk’e pa yuda nan ku algu. Nan a bis’e ku e mester tene un hòmbes pa esaki keda tranquil i tambe a bis’e kiko e mester bisti.

No ke papia

Durante tratamentu di e kaso Jamerickson no tabata masha habrí pa komuniká den sala di korte. “Si bo keda ketu por duna e impreshon ku si abo sali liber i otro hende aserká bo pa bolbe kometé un krímen, bo ta hasié”, hues ta bisa.

“Lo mi no hasié”, Jamickshon ta reashoná.

“Dikon nò?”, hues ta puntra. “Mi a siña mi lès den e lunanan ku mi tabata será.” “Kiko nan a hasi ku bo?”, hues ta bolbe puntra.

“Mi no por splika”, Jamerickson ta kontestá.

Segun abogado defensor, Jamerickson tin personalidat hopi sera. I mirando ku sala di korte ta yená ku adultonan, esaki ta laga su kliente sintié intimidá. Tin ku remarká ku un kolaboradó di prizòn a konsehá hues pa saka tur hende fo’i sala di korte. Segun e, na momentu ku solamente e huristanan i e sospechoso ta presente, esaki lo sintié mas habrí pa kompartí su pensamentunan. Hues a gradesí pa e konseho aki pero no a aktua riba dje.

Responsabilidad

Na vários momentu durante su kaso, por a nota ku Jamerickson tabata smail. “Dikon bo ta smail?”, fiskal ta puntr’e. “No mag anto”, Jamerickson ta kontestá.

“Mi ta puntra bo ta dikon bo ta smail”, fiskal ta ripití

su pregunta basta strèn.

“Gewon”, Jamerickson ta kontestá. Tin ku remarká ku e fiskal a demonstrá basta iritashon pa ku e aktitut di e sospechoso durante e kaso. Na dado momentu un wardadó di prezu a aserká e sospechoso i a bis’e algu den su orea. “Kiko esaki ta nifiká? Kiko esaki ta?”, e fiskal ta puntra hopi iritá.

“M’a puntr’e si e ke awa”, e wardadó di prezu ta kontestá.

Yudansa

Abogado mr. Nicolaas a pidi korte pa tene cuenta ku ekspertonan a bisa ku su kliente no ta kompletamente responsabel pa su aktonan. “Mi kliente tin ADHD, ODD i problema

di personalidat. Aunke el a atmití e atrako, no ta e a bin ku e plan”, e ta splika. E hurista a boga korte pa duna su kliente un último chèns. Su kliente mester di yudansa i guia pa asina evitá ku el o bolbe kometé un krímen.

Ministerio Públiko a demandá un kastigu di prizòn di 18 luna, di kua 9 luna kondishonal ku un periodo di prueba di 2 aña. Tambe e mester bai bou di guia di Voogdijraad. OM ke supervishon severo pa P. i eventualmente atmishon den un instansia na Hulanda.

Riba 7 di sèptèmber próksimo Korte den Promé Instansia lo sentensia Jamerickson P. Riba e foto ta mira Jamerickson P. rumbo pa sala di korte.



Ta bai purba hiba historia i kultura skolnan katólíko

KRALENDIJK – Ta hasiendo intento pa di un manera òf otro hiba historia i kultura di Boneiru skolnan katólíko. Basá riba esaki e skol mas grandi di Boneiru, Kolegio Kristu Bon Wardadó a hasi un ‘tour’ djabièrnè pasando na sitionan ku tin di aber ku sklabbitut.

Historia i kultura práktikamente no ta haña atenshon na skolnan boneriano.

Pero tin dosente ku, riba nan mes, ta trata na hasi esaki. Nan ta mira e importansia i ta buska un espasio òf buraku den sierto materianan pa dediká atenshon na historia i kultura, loke ta hopi importante pa krea sentido patriótiko serka e muchanan.

Skolnan katólíko a kuminsá ku un proseso pa familiarisá nan maestronan

ku historia i kultura boneriano.

Un di nan dosentenan ku aña pasá a sigui e kurso di historia i kultura na FuHiKuBo, a organisá un ekskurshon pa un grupo grandi di personal di Kolegio Kristu Bon Wardadó djabièrnè, durante kua Boi Antoin a duna splikashon di sklabbitut i e sitionan bishitá.



Programanan di Bonaire.tv

TELBO kanal 70
Flamingo TV kanal 23

Djaluna 22 ougùstùs 2022

12.00 Aktualidat:	Boi Antoin ku periodismo
13.00 Aki Boneiru:	Dia di famia Theodora & Martis
14.00 Herensia Korsou:	Mildred Scharbaai
15.00 Sitionan Marká:	Piedra Boneiru
16.00 Herensia:	Louisa Seferina (Sefe) Cicilia-Statie
17.00 Aki Boneiru:	Bishita di Militar
18.00 Herensia Korsou:	Nizaar Makdoembaks
19.30 Puerto Latino:	Luis Zárraga
20.00 Herensia Korsou:	Errol Cova 1
21.00 Aki Boneiru:	Bekadonan 2022
22.00 Herensia:	Fernando Seraus
23.00 BAPA:	Miralda Paula Frans

Tur mèrdia 12'or ta kuminsá un programashon nobo di 4 ora.
E programashon aki ta ripití pa 24:00.




AKI TA TRAHA I DRECHA PLANCHA PA DJIENTE, BO TA WARDA MIENTRAS NAN TA DRECHE, SERVISIO RAPIDO.

djaluna pa djaweps: 9'or mainta pa 12'or merdia, 2'or te 4'or di atardi.

djabinè: 9'or mainta pa 12'or merdia, atardi ta SERA.

E.M. Rijswijk
Por yama pa un sita na tel. 717-2248 òf selular 796-3714
Kaya Dr. J.G. Hernandez s/n (banda di Botica Korona)

Coral Casino Bonaire

ta buska
DEALERS 21+

- *Coral Casino por duna training tambe pa por siña bira Dealer
- *Aplikante mester ta den posishon di un pasport hulandes
- *Mester por dominá e idiomaan: papiamentu-ingles-hulandes i spañó
- *Mester por presentá papel di Bon Kondukta.

Pa mas informashon por pasa personalmente na Coral Casino durante orario di ofisina di djaluna pa djabinè entre 8'or mainta pa 5'or atardi.

Reflekshon di siman

DESISHON KU TA MARKA DIFERENSIA

Skritura: Mateo 7:24-29

“P’esei, ken ku tende e palabranan akí di Mi, i hasi nan, lo wòrdu kompará ku un hòmber sabí ku a traha su kas riba baranka.” Mateo 7:24 (BS)

Para ketu i pensa, riba kua fundeshi bo ta konstruyendo bo bida? Sí, asina mes. Dikon nos ta asina preokupá pa konstruí nos kas pa nos biba aden, pero no ta preokupá kon nos ta konstruyendo nos bida? Awor, si nos ta asina ansioso pa konstruí nos kas ku ta algu material i pasahero, dikon nos no ta tuma tempu pa pensa kon nos ta konstruyendo nos bida, ku si ta algu eterno. Den e Skritura di awe, Hesus ta duna nos dos kategoria di hende, dependiendo di bo desishon kon pa konstruí bo bida:

1. E persona ku ta konstruí su kas riba santu.
2. E persona ku ta konstruí su bida riba Baranka.

E bida trahá riba santu, ta esun ku ta tende e Palabra di Dios, pero ta disidí pa no obedes’É. Ora ku e tormenta di bida bini, su bida ku no tin un fundeshi sólido, lo kai aden i keda tur destrosá. Enkambio e bida trahá riba e Baranka sólido ku ta Kristu Hesus, ta esun ku ta tende e Palabra di Dios, i ta disidí pa obedes’É. Ora ku e tormenta di bida bini, su bida lo tin un fundeshi sólido, ku ta yud’é soportá tur tormenta di bida. Sea nos kere òf nò, Hesus i obediensia na e Palabra di Dios ta hasi e diferensia den nos bida.

Pensa un ratu: Riba kua fundeshi bo ta konstruyendo bo bida?

Miralda Paula-Frans
Produkshon PGM

6

E storia tras di 'The Fugitive'

Den un seri di algun entrega BONERIANO ta dediká atenshon na Wim Cicilia, kende a fayesé e siman aki na edat di 77 aña di edat. Gran parti di e seri ta basá riba un entrevista ku Wim mes a konsedé na 1997, den kuadro di skirbimentu di e buki 'Pueblo di Kunuku Bieu', ku a sali na sèptèmber 1998.

Kaso serio

Djis pa rèkòrt, te ku aña 1976 The Fugitive (Wim) a logra hui dos biá for di e kas di detenshon na warda di polis den Fort Oranje i dos biá for di e kas di detenshon nobo. Tin biá su intentonan no a logra.

Wim, apesar di su aktividatnan kriminal, tabata gosa tòg di sierto admirashon di basta hende. Di mes no pa su kiebro i ladronislanan, sino pa su huidanan spektakular, pa despues keda pa tempu largu for di man di outoridatnan polisial.

E situashon aki a keda asina te den e promé mitar di añanan ochenta ainda.

Pero pokopoko por a mira ku su krímenan tabata birando mas pisá, manera violashon i maltrato di un dama stranhero ku tabata biba den un kas den sùit di Nort di Saliña.

Un echo ku Wim a nenga semper.

Pero den pueblo a kuminsá haña miedu i temor pa Wim, kende a keda sentensia tambe pa e delito pisá aki.



Wim Cicilia tabata asina masoménos tempu di asesinato di Laura Wirs.

Desde e kaso ei tabatin temor ku Wim lo bai mas leu. I esei a sosodé den e promé siman di di yùli 1985, nèt despues ku fa-kansi eskolar.

Un asesinato kruel, den kua e instruktur di buseo Laura Kerrigan Wirs a pèrdè su bida. Algun dia despues polis a arestá Wim. A dura pa el a atmití su echo. Finalmente tabata serka e ámtenar suplente di Ministerio Públiko, Walter Coffie, ku Wim a bin atmití.

Kurpa sin bida

Djaluna promé di yùli 1985 funshonarionan polisial a haña e kurpa sin bida di un dama na altura di un antena ku transmisor di e emisora 'Voz di Bonaire', anterior Radio Hoyer 3', pariba di e edifisio di Radio Nederland Wereld Omroep.

A bin resultá ku e kurpa ei tababata di Laura Kerrigan Wirs, un dama merikano ku no masha tempu promé e establese na Boneiru pa traha na sentro di buseo di un konosido hotèl e tempu ei riba e isla.

For di e dia anterior, djadumingu, polis a pidi pa búskeda di Laura Kerrigan Wirs, despues ku desde djabièrnè no a mir'é.

E último biá ku a mir'é tabata djabièrnè anochi 11'or, na momentu ku el a pidi un dama besina pa yama polis p'e, pasobra el a yega kas i ripará ku un kiebro a tuma lugá na su kas.

E patruya ku a yega na e sitio aki a konstatá ku e ladron a fòrsa porta di e kas habitá pa Laura. E tabata sinti falta di un tas ku algun pertinensia personal di balor.

Komo ku e restunan mortal

tabatin sigur dos dia na e sitio tabata difisil pa a identifiká nan. Nan tabata den proseso inisial di deskomposishon.

Konsiderando gravedat di e kaso segun norma boneriano – tabatin masha tiki asesinato riba e isla – prokurador general Luis Nahr a biaha mésun djaluna pa Boneiru pa personalmente supervisá kontinuashon di e investigashon. Patólogo anatómista Tutein Noltenius tambe a yega Boneiru ku mesun buelo pa praktiká outopia di lei.

Asesinato

No ta bai den tur detaye di e kaso di Laura Kerrigan Wirs. Tabata un asesinato kruel ku a shòk komunidad boneriano i antiano. Na promé instante no tabatin indikashon ku ta Wim por tabata e asesino di Laura. Pero pokopoko a kuminsá bira opvio

ku t'e mes a kometé e krímen horibel aki.

Bòi Antoin, kende a kubri e kaso aki e tempu ei pa Extra, ta kòrda e suseso aki bon.

El a kubri esaki for di momentu ku e desaparishon di Laura Kerrigan Wirs a bira konosí.

Antoin a splika: "No solamente e echo ku mi tabata skirbi pa Extra a pone ku mi ta kòrda e kaso aki bon.

E tempu ei mi tabata traha komo asina yamá 'continuity medewerker' na Radio Nederland Werelomroep (RNWO).

E anochi ku e krímen a tuma lugá mi tabatin 'nachtdienst'."

Djamars dia 2 di yùli 1985 tabatin fòlman. Pero ya for di wikènt promé luna tabata hopi yen i kla kaba.

"Mi so tabata den e edifisio di Radio Nederland e anochi pa mardugá na momentu ku Wim a



Aki restunan di Laura Wirs ta reposá den santana katóliko na Playa. E tabata derá den un kèlder di Sosiedat San Bernardo. Despues a trasladá su restunan pa un kèlder destiná pa restu.

kometé e akto.

Hopi biá mi sa para na tantu e bentananan pabou, pariba komo sùit di e studio pa kontemplá moveshonnan pafó.

Djis pa wak. For di e bentananan pariba i sùit bo tabatin bon bista riba e área na unda Wim a transportá e kurpa di Laura hiba banda di e sitio di transmishon di e emisora 'Voz di Bonaire'.

Mi no a mira ningun moveshon sospechoso e anochi ei."

Antoin ta kòrda bon ainda ku na momentu ku polis a haña sa, despues di puntra ken tabata traha e anochi ei, a papia kuné.

Antoin: "Mi a bisa nan ku mi no a nota nada straño òf sospechoso den e área e anochi ei.

Parti pabou di e edificio sí, a lo largu di Nicolaas (Colá) De-brotweg, sí mi a mira moveshon straño di un hòmbler den oranan di mardugá.

Pero ta un hòmbler ku mi tabata konosé, ku di ningun manera por a konektá ku Wim."

Straño

Wim tabata traha tempu di e suseso pa gobièrnu. Su pòst di trabou tabata e anterior garashi di Mayer, no leu for di e kas di Laura. Straño ta ku e mainta ku a haña e kurpa di Laura Wim tabata pará tras di waya nort di e edificio ta sigui moveshon di polis na e sitio. Antoin ta kòrda: "Mi tabata pará na e sitio aki, na otro banda di e waya, kombersando ku Wim. Mi no ta lubidá nunca mas kon el a bisa ku mester a sera e persona ku a kometé e echo ei i tira e yabi den un pos hundu. Lugá t'e mas tabata e outor."

Na momentu ku outoridatnan polisial a haña suficiente indikashon i evidensia ku ta Wim tabata outor di e asesinato aki, el a disparsé for di pantaya.

Polis a usa su táktikanan straño pa a logra fòrs'é pa entregá. Nan a detené su señora, ser'é, poniendo asina preshon riba Wim.

Na final Wim a sukumbí

despues di algun dia, spesialmente tambe pasobra e tabata preokupá pa su yunan ku no por

tabata huntu ku nan mama na e momentunan difisil ei. Wim tabata stima tur su yunan.



Yunan di Wim, Dalila Wijman-Melaan i Mila Ortela-Melaan. Nan mama a bisa nan, despues ku Wim a mata Laura, ku "boso tata a hasi algu grave".

Juli 1989

WILLEMSTAD — De Bonaireaanse voortvluchtige Wim, 'The Fugitive', Ceeilia, zit sinds het middaguur weer achter slot en grendel. Hij werd vanmorgen rond half twaalf gepakt in de mondi nabij de zoutpannen, in de buurt van de landfill op Koraal Specht. Dit bevestigde een politiewoordvoerder vlak voor de deadline aan de Amigoe.

De man, die vrijdagavond op nog onverklaarbare wijze de benen nam uit de gevangenis, werd omsingeld. Toen hij merkte dat de politie hem ontdekt had, probeerde hij weg te rennen.

Hij kwam echter niet erg ver, zo werd de Amigoe te kennen gegeven. Cecilia, die een straf van 20 jaar uitzat wegens doodslag, had geen schoenen aan en zijn lichaam zit vol schrammen.

Hij had in eerste instantie een wit hemd aan, maar trok dat uit toen hij de politieagenten zag. De overheersing van de man verliep hierna vrij gemakkelijk, aldus de woordvoerder. Cecilia, die omgeschreven wordt als een "beer van een vent"; is direct na de aanhouding overgebracht naar het recherche-

bureau in Punda. Daar zal hij enige tijd zitten, waarna hij wederom wordt vervoerd naar de gevangenis op Koraal Specht. De drie agenten die 'The Fugitive' pakten heten Lodrigo, Bernadina en Nicolaas.

Meer informatie over de aanhouding en de situatie waarin de man zich bevindt, waren tot vlak voor het ter perse gaan van deze editie niet voorhanden. Op pagina drie van deze krant verschijnt een artikel, dat eerder op de ochtend geschreven werd aan de hand van de informatie die toen beschikbaar was. Wim Cecilia was toen nog niet gearresteerd, waardoor het stuk deels achterhaald is.

WILLEMSTAD — Onder het gevangenispersoneel dat zaterdagavond dienst had, kunnen ontslagen worden verwacht. De ontsnapping van de levensgevaarlijke Wim Cecilia uit de zwaar bewaakte afdeling van de gevangenis had namelijk niet mogen gebeuren.

"Duidelijk is nu al, dat sprake was van grove nalatigheid van de gevangenvaarders en de ploegcommandant. Disci-

plinaire maatregelen zijn daarom op hun plaats,"; verklaarde vanmorgen minister Ivo Knoppel van Justitie aan de Amigoe.

Hij bevestigde dat de 24 uur zoekactie naar de man wordt voortgezet en dat hij bereid is de politie te versterken met mensen van het vrijwilligerskorps VKC.

Cecilia werd zaterdagavond overigens in de "mondi" van Rooi Santoe gezien, maar was de politie te snel en te slim af: hij verdween in de duisternis. De politie houdt er rekening mee, dat de man probeert naar zijn geboorte-eiland Bonaire terug te keren. Volgens een lokaal ochtendblad, heeft Cecilia gezwoeren dat hij zijn ex-vrouw en haar minnaar, een expolitieman, om het leven zal brengen.

Deze mensen, en de laatste minnares van Cecilia, hebben nu politiebewaking. Ze zijn allen op Bonaire woonachtig. Minister Knoppel liet er vandaag in gesprek met de Amigoe geen twijfel over bestaan: hij is bijzonder verbolgen over de laatste ontwikkelingen in de gevangenis, waarbij twee gedetineerden binnen drie dagen

tijd de benen namen.

Op woensdag was het Daniel Henderson, die wegens valsheid in geschrifte vastzat. Speculaties over omkoperij van gevangenvaarders werden toen door de waarnemend gevangenisdirecteur Richardson van de hand gewezen. Twee dagen later lukte het de 44-jarige Wim Cecilia midden in de nacht de tralies van zijn cel door te zagen. Via het dak bereikte hij de zes meter hoge muur. Omdat de man ook nog eens een zelf vervaardigd touw bij zich had, kon hij zich daarmee naar beneden helpen.

Cecilia werd een aantal jaren geleden tot 20 jaar gevangenisstraf veroordeeld wegens doodslag. Hij had een Amerikaanse vrouw op Bonaire op afgrijselijke manier vermoord, die tegen hem als getuige in een verkrachtingszaak was opgetreden.

In het begin van de jaren '80 had Cecilia al vastgezet hiervoor en het was hem toen al gelukt -voor een korte tijd- te vluchten.

Hij draagt daarom nu terecht de bijnaam 'The Fugitive.'

Apertura di Elephant Daycare

KRALENDIJK -- Elephant Daycare a habri djasabra atardi na nan lokalidat nobo den Kaya Merengue. Esaki a sosodé den presensia di mayornan i nan yunan ku ta haña kuido na Elephant Daycare, ku tabata situá den pasado na otro sitio.

E demanda pa tipo di lugánan asina, konosí ántes komo krèsh, ta grandi, mirando ku Elephant Daycare ta kompletamente yen kaba. Mayornan ku ke pone nan yu na Elephant ta bai riba un lista di espera. Pero por sigui inskribí. Interesante ta ku te asta pa yunan ku no a nase ainda tin mayor a in-

skribí.

Ruthvianca i Sharisma Josephia ta enkargá ku

maneho di Elephant Daycare.

Fotonan ta duna un bi-

sta di apertura djasabra di Elephant Daycare na Kaya Merengue 6.



Despues di mas ku 32 aña bou di Douwe Dooper

Ta bai bende Mona Lisa

KRALENDIJK – E doño di Restorant Mona Lisa, Douwe Dooper, a disidí di pone e restorant aki na benta. El a publiká esaki tambe riba su kuenta di facebook, splikando ku ta ku duele ta tuma e desishon aki.

Mona Lisa no ta solamente djis un restorant. Por papia aki di un konsepto. Pa sigur 60 aña e ta den operashon bou dje nòmber aki, operá inisialmente pa Jossy Boekhoudt. El a kuminsá ku un menú ku platonan krioyo i algun internashonal, kontando ku algun kòki eksperto, manera un Ina (Chaparal) i vários.

Despues di tempu Jossy Boekhoudt a hür e edifisio ku entre otro Luis Walter. Vicente Martis, ku tabata operá Restorant Dividivi despues, tambe tabata kushiná na Mona Lisa.

Algu mas ku 32 aña pasá Douwe Dooper a kumpra Mona Lisa i durante e tempu aki a kombertí e restorant den e status ku e tin aktual. Semper el a keda

mantené e nòmber original, pero a remodelá e restorant, hasié mas moderno i bai konsentrá mas tantu riba turista. Pero tin hende lokal ku a keda bishitá Mona Lisa. Den e promé masomenos 30 aña di Mona Lisa e restorant aki tabata un sitio popular pa boneriano. Jossy mes tabata tras di bar, asistí durante algun aña pa e konosido Augustin St. Jacoba, alias Chikí, yamá asina pa motibu di su estatura kòrtiku.

Dilanti e Mona Lisa di añanan sesenta, setenta i ochenta por a topa semper ku Ronny Booy, kende tabata para bende number na e sitio aki. Ronny tabata konosí komo bendedó di 'pool'.

Na aña 1979 Mona Lisa a kapta atenshon di e produktornan di e pelíkula di televishon 'Wilson's Reward' i nan a filma un esena di bringamentu den e restorant aki.

Ta di spera ku sea ken kumpra e restorant aki, nan

keda mantené e nòmber, pasobra Mona Lisa no ta Mona Lisa sin su nòmber original.

Douwe Dooper a skirbi tekstualmente riba facebook: "It is with a bit of sadness to say that after 32+ years of hard work, great food, cold beer and lots of fun, Hans and Douwe have decided to retire and to sell the Mona Lisa.


Out of every ending comes a very special opportunity for a new owner to take over and make THEIR dreams come true."



Restorant Mona Lisa manera e ta awor.



Douwe Dooper ku e bòrchi pa anunsiá benta di Mona Lisa.



Jossy Boekhoudt den Mona Lisa huntu ku Chikí.
Tur dos a fayesé.



Rijkdienst Caribisch Nederland
Onderwijs, Cultuur en Wetenschap

Komienso di aña eskolar 2022-2023

Ministerio di Enseñansa na Hulanda Karibense i Hulanda Oropeo ta deseá tur alumno, mayor i personal den enseñansa, un komienso produktivo di e aña eskolar nobo.

“Un buki, un pèn, un maestro por kambia mundu di un mucha.”

Huntu nos lo sigui traha yen di energia riba futuro di e muchanan na Hulanda Karibense.

Ehèmpel pa otronan

KRALENDIJK – Boneirianonan di ántes tabata konsiderá nan mes responsabel pa limpiesa dilanti nan kurá di kas. Nan tabata bari, chapi yerba, sòru pa e pida tereno ei ta limpi. Ta un tradishon ku práktikamente e bai pèrdí.

Afortunadamente tin ainda algun persona, mayoria di edat haltu, ku sí ta keda

tene pafó di nan kurá limpi. Lástima ku nan no ta hopi mas. Un di nan ta un habitante di Kaya Kanari, Sabana.

E hòmer aki na vários okashon ta bari i tene dilanti su kurá di kas limpi.

Si mas hende na Boneiru bai bèk na e bon kustumber aki, nos lo por yega bèk na e Boneiru dushi di antaño.



Gerard van Buurt ku donashon di buki na FuHiKuBo

KRALENDIJK – Biólogo drs. Gerard van Buurt, siendo di bishita familiar na Boneiru siman pasá, a entregá un kolekshon di buki ku el a skirbi na Bòi Antoin di FuHiKuBo – Fun-

dashon Históriko Kultural Boneriano. E bukinan aki ta disponibel pa tur ku ke konsultá na biblioteca di e instituto aki.

Gerard a traha hopi na Kòrsou na LVV. El a hasi

diferente estudio tambe, manera di plaga i malesanan ku por afektá mata i palunan den naturalesa di e islanan aki. E ta un outoridat riba e tereno aki, asta a skirbi tambe un buki to-

kante e tópiko.

Mas aleu Gerard tin buki tokante rèptil di islanan ABC. E buki aki tambe ta inkluí den e kolekshon ku el a entregá na FuHiKuBo.

No opstante su edat haltu, ketu bai Gerard van Buurt ta duna charla i realisá biahenan pa eksterior pa partisipá na konferensia i kongresonan, atendiendo efektonan di kambio di klima.

Van Buurt ta dispuesto pa, si hasi un apelasion

riba dje, pa duna algun charla tambe na Boneiru. Pa esaki FuHiKuBo ke bai aserká STINAPA, gobièrnu i otro instansianan aktivo riba tereno di naturalesa.

Den e bukinan skirbí pa Gerard van Buurt tin tambe e buki ‘Stemmen van het Verleden’, ku ta bai tokante e palabranan arowak den idioma Papiamentu. Sidney Joubert, famia di Gerard, ta ko-outor di e buki aki.

E tambe tabata na Boneiru siman pasá.



SONDEO DI INTERES SERVISIO DI LIMPIESA

Entrante 30 di novèmber 2022 e akuerdonan ku e suministradónan aktual di servisio di limpiesa ta vense. Pa e motibu ei, Rijksdienst Caribisch Nederland (RCN) ta buska diferente suministradó ku por hasi servisio di limpiesa den e 22 diferente edifisionan di RCN repartí riba e islanan Boneiru, Saba i Sint Eustatius.

Abo ku bo kompania por suministrá servisio di limpiesa pa e añanan benidero? E ora ei nos ta buska abo. Bo por reakshoná tambe si bo por limpia solamente algun edifisio òf por ofresé bo servisionan solamente riba un isla.

Gustosamente nos ta invitá bo pa registrá bo mes pa un prosedura di oferta. Bo por registrá bo mes mandando un meil **promé ku 5 di sèptèmber 2022** pa:

aanbesteding@rijksdienstcn.com

Por favor mensioná “**Aanbesteding Schoonmaak RCN**” den e tópiko di bo meil.

Despues ku bo registrá ta manda bo denter di algun siman e petishon pa oferta ku tur informashon nesario tokante e enkargo.

Dos di su yu muhénan i prima presente

Despedida di ‘The Fugitive’ den sírkulo familiar íntimo

KRALENDIJK – Solamente dos di su yu muhénan, Dalila i Mila, tabata presente djabièrnè último na despedida di Pedro Maximiliano Cicilia, alias Wim of The Fugitive. El a muri na edat di 77 aña den e anochi di djadumingu pa djaluna siman pasá na Kas di Kuido di Mariadal, na unda

el a pasa e último añanan di su bida. Wim tabata ku kasi tur probabilidad e kriminal i residivista di mas grandi den historia di Boneiru. Kisas e ta zona kontroversial, pero no opstante esaki Wim a muri lagando su stèmpel atras, spesialmente den e bario Nort di Saliña, na unda el a nase i biba henter

su bida den e tempu ku e no tabata enkarselá pa delitonan ku el a kometé.

Solamente Mila i Dalila, kompañá pa un prima di nan, tabata na ‘Nos Consuelo’ djabièrnè na momentu di despedida di Wim. Despues ku a sera e kaha a sigui e proseso di kremashon di restunan di

The Fugitive. Mesun atardi Mila i Dalila a akudí bou di e palunan di kuihi na Mentor, na unda nan tata a pasa hopi tempu huntu ku su amigunan. Wim tabata sinti su mes na kas bou dje palu aki, manera el a bisa tambe den un programa ‘Boneiru – Ayera pa Awe’ grabá bou dje palunan aki. Aki e ta-

bata hunga dominó, dou, dam i ahedres. Mila a bisa e grupo bou di palu djabièrnè ku e sa kiko nan a nifiká pa su tata. Pero a yega dia ku e no por a bini mas bou dje palu aki. El a sigui bai atras, no por a keda na su kas mas. Na Kas di Kuido Wim a pasa su último añanan di bida.



POLÍTIKA – POLITIKERIA

Entrante e siman aki lo bai tin atrobe 'leven in de brouwerij' di polítika i politikeria boneriano. Falta seis luna masomé nos pa elekshon di Konseho Insular. Tin basta moveshon ta tumando lugá "den skondi" den arena polítiko. Tin partido ta buskando kandidato pa subi lista. Pa motibunan stratégiko e moveshonnan ta tumando lugá den sekresia. Mester evitá ku kontrinkantenan ta bai influensia e kandidatonan prospektu bai kuné.

Resès di Konseho Insular ta tras di lomba. Pa e siman aki tin un reunion di Konseho Insular pa forma opinion tokante algun puntu interesante. E ta bira e promé reunion despues di resès. E ta yamá pa djaweps awor pa 4or di atardi. Lo trata reakshon di bestuurscollege relashoná ku e apelashon riba e e pèrmit di molèster pa instalashonnan di WEB N.V. Mas aleu lo duna tambe splikashon i informashon riba e Plan di Maneho di

Naturalesa 2020-2024. I tambe informashon di e ordenansa insular 'Personenvoer' op Bonaire.

Mientrastantu por ripará ku ta surgi 'issue'-nan polítiko ku bista riba elekshon. Por ehèmpel e 'issue' tokante sentro di bario Rincon. Aki Daisy Coffie i Jude Finies a sali pa mustra masha preokupashon ku e edifisio ta den dekadensia. Nan a asta hasi loke nan ta yama 'mediatour' pa a-

tendé e tópiko aki.

Nos a splika kaba ku e situashon aki no ta di awor, sino di algun aña kaba. No a nota niun moveshon anteriormente, pero awor diripiente konsehal Coffie ta "sali na interes di pueblo di Rincon" i tuma akshon den asunto di sentro di bario. Ku Jude den banda. E tipo di akshonnan aki ta asina transparente. Tur hende ta mira e kolebra polítiko den e akshon aki.

manda mensahenan di sosten pa James. Mester ta un señal pa Daisy i su grupito pensa pa para ketu i laga James Kroon hasi su trabou.

Un persona ku tambe ta hunga un ròl den e afèr di sentro di bario Rincon ta Roy Christiaan, tio di James Finies. Jude ta primu di James Finies. Roy ta miembro di e fundashon ku ta doño di e edifisio di sentro di bario. Den pasado e tabata riba lista di PABOSO, partido dirigí pa Nòchi Willem. Djis pa pensa ariba i realisá kiko ta pasado. Purba mira e 'kolebra polítiko' den arena.

Ta saliendo na kla awor ku diputado James Kroon tabata atendiendo asunto aki di sentro di bario Rincon. A reuní ku Roy Christiaan na Hulanda tokante un ke otro, hopi tempu promé ku Daisy Coffie i konsorsio a sali for di nan kueba pa purba buska probecho polítiko. No ta masha difisil.





E foto aki ta saká na Hulanda dia 11 di mart. Fo'i e tempu ei kaba James Kroon tabata 'bezig' ta papia ku Roy Christiaan na Hulanda tokante kiko mester bai pasa i hasi ku sentro di bario Rincon. Di robes pa drechi: James Kroon, Roy Christiaan, Jeffrey Levenstone (konsehero di Kroon) i Timotheo Silberie di direktorado di Komunidat i Kuido.

MONCHI & TONCHI

Tonchi, ata fiskal a kue fada ku hues ei.

Awèl si, parse e fiskal tabata basta iritá ku e hues. Imaginá bo si nan lo a kuminsá pleita i kue otro ku kònòpi. Lo tabata un tremendo show



KOLOFÓN
Editor Bonaire
Communication
Services N.V.
Kaya Irlanda 12,
Tel. 717-8482
E-mail:
extrabon@gmail.com
Wèpsait:
www.extraboneiru.com

Direktor
Shirley Martis
785-3824
796-3824

Hefe di redakshon
Bòl Antoin
786-6818

Redakshon
Armand 'Papi' Antoin
Davienuska Janga
Velli Gijsbertha
Nathaly Evertsz
Edson Pietersz

Ibi Piar (deporte)

Partner na Aruba
Awe Mainta

Partner na Kòrsou
Extra

Layout
Davienuska Janga
Gairo Frans

Aviso
avisobon@gmail.com

Entrante 1 di sèptèmber

Kambionan den dekreto makutu básiko na vigor

WILLEMSTAD - Djaweps, dia promé di sèptèmber próksimo, e dekreto di Makutu Básiko 2022 ta drenta na vigor. Esaki ta enserá, ku e areglo di Makutu Básiko anterior ta kanselá. Den e areglo di Makutu Básiko 2022, Minister di Desaroyo Ekonómiko, sr. Ruisandro Cijntje, a proponé pa entre otro amplia e lista di produktonan ku Gobièrnu ta regulá pero

alabes hasi adaptashon na e porsentahe máksimo di ganashi ku e bendedó por tin riba diferente di e (tipo di) produktonan akí. Pues, den e Makutu Básiko nobo tin mas tantu produkto ku esun anterior i e porsentahe di ganashi pa algun di e produktonan eksistente a keda adaptá. Tene kuenta ku, pa mayoria produkto den Makutu Básiko, Gobièrnu ta regulá solamente e porsen-

tahe máksimo di ganashi tantu por mayor i detal ku e bendedó por tin riba e produkto i no e preis final.

Ta trata aki di entre otro produktonan manera, papel higiéniko, aros, lechi i algun fruta i berdura. E úniko dos produktonan ku ta forma parti di Makutu Básiko pero nan preis máksimo ta wòrdu stipulá via un dekreto separá, ta kipashi di awa i webu di galiña di “legbat-

terij”.

Krísis

Motibu pa adaptashon di e Makutu Básiko eksistente ta e echo ku, dor di faktornan manera e pandemia di COVID-19, Kòrsou ta enfrentá na e momentunan akí un krísis finansiero i sosial ekonómiko sumamente pisá. Hopi siudadano a pèrdè trabou durante e periodo akí, ku konsekuensia ku kasnan tin ménos entrada, forsa di kompra a baha i siudadanonan tin mas debe. Gobièrnu ta premirá ku, tantu riba término kòrtiku komo riba término medio, Kòrsou lo sigui eksperensia subida di preis di diferente produkto por lo pronto ya komo ta hopi dependiente di importashon. E omento di preis no solamente ta debí na e efektonan di COVID, pero tambe e guera aktual entre Rusia i Ukraina, subida internashonal di preisnan di krudo i estorbo den kadena di suministro tin influensia direkto riba preis di produktonan na Kòrsou. Gobièrnu tin e responsabilidadat pa mitigá e efektonan akí mas tantu posibel i sòru pa produktonan di promé nesidadat keda aksesibel

pa e konsumidó i mantené esaki na un preis hustu i pagabel, pues a opta pa hasi adaptashonnan na e Makutu Básiko. Periódikamente e efektonan (sekundario) di e dekreto di Makutu Básiko 2022 ta bai keda evaluá dor di Ministerio di Desaroyo Ekonómiko (MEO) huntu ku Ministerio di Desaroyo Sosial, Labor i Bienestar (SOAW) i Ministerio di Salubridat, Medio ambiente i Naturalesa (GMN). Si akaso resultá, for di e investigashonnan periódiko akí, ku e areglo no tin e efekto deseá, MEO, SOAW i GMN konhuntamente lo mester pensa un remplaso pa e dekreto di Makutu Básiko 2022. E dekreto di Makutu Básiko 2022 ta disponibel pa ‘download’

riba www.gobiernu.cw

Pronto MEO ta bai introdusí un aplikashon di publikashon di preis, pa yuda e siudadano tin mihó kontrol riba su kompra.

Na momentu ku e aplikashon akí keda lansá, tur persona por download esaki i haña aksesu fásil i mobil na preis i informashon di e diferente produktonan den supermerkadu i minimarketnan lokal.

Product	Omschrijving	Gewicht/ Eenheid	Mark-up Groothandel	Mark-up Kleinhandel
Witte rijst	Alle soorten lang/extra langkorrelige verrijkte witte rijst ¹³	5 kg (11 lbs) of kleiner	7%	11%
Bruine rijst	Alle soorten lang/extra lang verrijkte voorgekookte bruine rijst ¹⁴	5 kg (11 lbs) of kleiner	7%	11%
Pasta	Alle soorten elleboog, macaroni en spaghetti pasta gemaakt van harde tarwe en water ¹⁵	1 kg (2.2 lbs) of kleiner	7%	11%
Maïsmeel	Alle soorten voorgekookt wit en geel maïsmeel ¹⁶	1 kg (2.2 lbs) of kleiner	7%	11%
Broodmeel	Alle soorten verrijkte gebleekt broodmeel voor alle doeleinden ¹⁷	2 kg (4.4 lbs) of kleiner	7%	11%
Cornflakes	Alle soorten maïs cornflakes zonder toegevoegde smaak	550 gr (1.2 lbs of kleiner)	7%	11%
Gedroogde bonen en erwten	Alle soorten gedroogde zwarte ogen bonen, rode bonen, roze bonen, baby en grote limabonen	500 gr (1.1 lbs) of kleiner	7%	11%
Kaas	Alle merken van jonge blokkaas heel en gesneden	Alle maten	12%	20%
Kip	Alle soorten rauw kip naar algemeenheid ¹⁸	Alle maten	12%	20%
Babyvoeding	Alle soorten verpakte babyvoeding (inclusief	Alle maten	7%	11%

Detenshon relashoná ku atrako

WILLEMSTAD-- Kon- tinuando ku investigashon den un kaso di atrako ku a kometé dia 25 di mei 2022 na un minimarket, tim di atrako a realisá un detenshon.

Djabièrnè último, personal di tim di atrako a detené na e krusada di F.D.

Rooseveltweg i Mirla Plateweg e hòmber sospechoso A.M.F. nase na Kòrsou di 19 aña di edat,

relashoná ku e kaso ariba mensioná.

A presentá e sospechoso dilanti un fiskal ouksiliar ku a ordená su enkarselamentu pendiente di mas investigashon.

Mas detenshon relashoná ku atrako

WILLEMSTAD--Kon- tinuando ku investigashon den e kasonan di atrako ku a kometé na tres minimarket riba respektivamente 31 di òktober 2021, 6 i 8 di novèmber 2021, tim di atrako a realisá un detenshon.

Djabièrnè ultimo, personal di tim di atrako a detené na Paranaweg e hòmber sospechoso M.M.F. nasé na Kòrsou di 20 aña di edat, relashoná ku e kasonan ariba mensioná.

Despues di e detenshon tim di atrako a hasi entrada

relashoná ku e adrès mensioná i a konfiská artikulonan di importansia pa e investigashon.

A presentá e sospechoso dilanti un fiskal ouksiliar ku a ordená su enkarselamentu pendiente di mas investigashon.

Aksidente di tráfiكو ku dos morto

WILLEMSTAD-- Dja- sabra 20 di ougùstùs 2022 alrededor di 11.04’or, sentral di polis a risibí informashon di un aksidente bastante grave ku a tuma lugá riba Schottegatweg-Noord algu despues di Beatrixlaan.

For di investigashon preliminar a sali na kla ku un outo di famia tabata kore riba Schottegatweg-Noord den direkshon di Biesheuvel. Shofùr di e vehíkulo akí dado momentu a pèrdè

kontrol riba su stür i bai dal kontra di un pikòp ku tabata stashoná kantu di kaminda i tambe dos persona ku tabata hasi trabounan di limpieza kantu di kaya.

E impakto tabata asina fuerte ku e outo akí a hisa e dos víktimanan i benta nan over di un muraya di kurá di un kas na man drechi di kaminda. Tur dos víktima di sekso maskulino a fayesé na e sitio di e aksidente.

Investigashon den e kaso akí ta kontinuá

KÒRSOU

Banco di Caribe ku sosten na Betèsda

WILLEMSTAD-- Resientemente Banco di Caribe a hasi un bishita na e facilidad pa adultonan mayor, Betèsda. E kas di kuido den transkurso di añanan a konosé hopi cambio. Betèsda a tene su kolekta na luna di mart último, sinembargo Banco di Caribe ke enkurashá tur esnan ku no a logra kontribuí den luna di kolekta pa hasi esaki via di un transferensia bankario na kualke momento durante aña. Banco di Caribe ta tuma su responsabilidad komo siudadano empresarial mashá na serio. No tur ora ta pa hasi donashon, sino tambe pa pone lus riba tópikonan importante i na su turno inspirá komuni-

dat pa demostrá empatia pa esnan vulnerabel, manera grandinan. Den e kaso di Betèsda, ta pa yuda konsientisá komunitat riba e nesesidad ku e kas di kuido tin pa un kushina i un ‘overdekte’ nobo. Pa hasi esaki, Banco di Caribe a produsí un video pa Betèsda ku lo por mira próksimamente na televishon i riba retnan sosial di manera ku por inspirá komunitat pa hasi un aporte, meskos ku Banco di Caribe.

Mas ku kas di kuido

Ku enfermeronan, paramédikonan i guaidónan di aktividat kapasitá i dediká, Betèsda ta enfoká na alsa kalidat di bida di su

abitantenan. Bida ta sigui den Betèsda tambe. Sinembargo, awor mas ku nunca Betèsda mester di aporte di komunitat. E kushina di Betèsda, un espasio kaminda ya pa 33 aña, diariamente e trahadónan ta ehersé nan trabou ku amor i dedikashon ta rekerí remodelashon, pa por sigui funshoná di forma optimal. Aparte di e kushina, e espasio ku ta destiná pa e abitantenan move, rekrea i sosialisá tambe mester di remodelashon. Lamentablemente awor aki e abitantenan no por rekrea, debí na solo i tambe áwaseru. Ta p’esei mester krea un espasio kubrí. Esaki lo garantisá mas seguridat, aktividat



sosial i posibilidat pa e abitantenan mobilisá.

Apotá

Banco di Caribe ta enkurashá komunitat pa mar-

ka e diferensia.

Por hasi un transferensia pa Betèsda ku un donashon chikitu òf grandi na number di kuenta 15285001 di Banco di Caribe.

Delegashon Tweede Kamer a bishita Archivo Nashonal

WILLEMSTAD – Djabierne 19 di ougùstùs, Delegashon di Tweede Kamer di Hulanda. E bishita di trabou di e komishon fihó akí ta konsistí di 9 per-

sona. E honorabel miembronan a haña chèns di sera konosí ku Archivo Nashonal di Kòrsou. Relashoná ku e tópiko hopi mensioná mundialmente, esta sklabitut, tabatin basta interes. Nan a haña oportunitat di mira personalmente e fuentenan i dokumentonan legítimo ku ta wardá na Ar-

chivo Nashonal di Kòrsou, i partikularmente e herensia dokumental di hende sklavisá na Kòrsou. Pa mensioná unu por ehèmpel ta e registro di esklabonan. Tambe nan por a tuma nota di e aspekto di maneho, digitalisashon i otro asuntunan pa pone herensia aksesibel ‘online’. Na Archi-

vo Nashonal e delegashon a haña bastante informashon balioso i importante. E herensia dokumental di hende sklavisá ta riba lista “Memory of the World” di UNESCO pa paisnan di Latino Amerika i Karibe, i nombrá pa bai riba e lista internashonal di “Memory of the World” na 2023.

vo Nashonal e delegashon a haña bastante informashon balioso i importante.

E herensia dokumental di hende sklavisá ta riba lista “Memory of the World” di UNESCO pa paisnan di Latino Amerika i Karibe, i nombrá pa bai riba e lista internashonal di “Memory of the World” na 2023.



Identifikashon víktimanan di aksidente di tráfiko

WILLEMSTAD-- E dos personanan ku a fayesé den e aksidente di djasabra 20 di ougùstùs 2022 riba Schottegatweg-Noord, a keda identifiká komo Emmanuel C. Martina, nase na

Kòrsou dia 19 di aprel 1954 i Chrisphonte Decopin nase na Haiti dia 20 di febrüari 1969. Miéntras tantu polis a detené shofùr di e vehíkulo ku a kousa e aksidente aki pa morto debí na kulpa.

ARUBA

Homber agresivo den cas a pone hopi polis mobilisa pa Bubali

ORANJESTAD -- Dia-bierna merdia varios uni-



dad di polis a bay un adres na Bubali, unda cu tin un homber agresivo den cas.

Adicional e homber lo tawata bou influencia y por ta peligroso. Pa e motibo aki varios unidad di polis a bay y tambe team di aresto. Na yegada di polis, a opta pa hala tur hende cu ta biba cerca di e homber leu pa cualkier eventualidad. Via luidspreker di un patruya tawata comunica cu e homber y dun'e instruccion pa e sali. E homber probablemente tawata bou influencia di un of otro ubstancia.

Posiblemente ora e la

mira asina hopi polis y nan tawata bisand'e pa sali, e agresividad a kita y a sali unda nan a pone den boei

mesora y bay cu ne.

Tipo di situacionnan ta hopi peligroso y mester actua cu hopi tactica.



Di 5 morto den trafico riba e caminda San Miguel

ORANJESTAD -- Dia-bierna anochi pa 7:45 central di polis ta wordo notifica di un accidente entre un brommer y un pick-up ariba e caminda di San Miguel. Patruya motorisa ta prome cu ta yega na e sitio y ta informa central di polis pa manda ambulance cu maxi-

mo urgencia pa e chauffeur di e brommer. Chauffeur di e brommer no tabata duna señal di bida. Ambulance ta presenta na e sitio y no por a haci Di 5 morto den trafico riba e caminda San Miguel nada mas pa cu e chauffeur di e brommer. Polis di trafico a presenta

na e sitio como tambe polis tecnico pa haci e investigacion. Slachtofferhulp a presenta na e sitio tambe.

Pa 9:50 Dr. Texier ta constata morto di Carlos Alberto Rojer naci na Aruba 30 di juli 1973 (49 aña) Palabra di condolencia na famia di e fayecido.



Motociclista a resulta herida den accidente

ORANJESTAD -- Dia-bierna algo despues di 8'or y mey di anochi a sosode un otro accidente entre auto cu brommer.

Esaki a sosode riba e caminda di Meiveld, un auto blanco tabata biniendo di

pariba, no a duna e brommer cu tabata biniendo di pabou preferencia y a lora su dilanti. E impacto fuerte a laga e motociclista herida, e victima tabata keha di dolornan na su pia y cabes.

Segun e motociclista e

la trata na evita e impacto pero no a logra.

Polis y ambulance a presenta na e sitio, despues cu paramediconan di ambulance a trata e victima na e sitio a transport'e pa hospital.



Auto a bolter y cay den e greppel

ORANJESTAD -- Dia-bierna den careda di 7'or di anochi a sosode un accidente cu dos persona herida, riba e caminda di Hato un poco pariba di e rotonde. Un Suzuki Jimny cu dos persona masculino den dje pa un of otro motibo a perde control pariba di e rotonde, e auto a hala

na su man robes dal contra acera y a bolter, bay cay den e greppel bandi pazuid di caminda. Na momento cu e auto a bolter un caha di cerbes y un cantidad di botter di cerbes a sali cay for di e auto. No ta conoci si nan lo por tabata bou influencia. E chauffeur y e ocupante a keda herida, mesora a pidi pa ambulance na e sitio. Dos ambulance a presenta na e sitio y e paramediconan a tratanan na e sitio y despues a transporta ambos pa hospital.



ARUBA

Tin diferente opcion pa deshaci di taira

Hunto por paga e candela na Dump Parkietenbos

ORANJESTAD -- En trante dialuna 22 di augustus, 2022, Aruba lo tuma un paso grandi pa cera Parkietenbos y ta duna inicio na un maneho responsabel y sostenibel di desperdicio. Serlimar lo prohibi e entrega di taira na Dump Parkietenbos.

Den e manera aki por tuma e prome paso pa evita candela cu ta kima pa decadas caba na Parkietenbos. Taira por ser entrega na na Ecotech Freezone NV y pronto tambe na Caretra VBA.

Ministerio di Naturalisa a tuma nota di algun

tireshops cu a tuma e decision di ofrece e cliente un servicio incompleto na momento di cambia taira (nan comunicado adhunto).

E tireshops aki a pidi pa delibera cu Gobierno pero no a propone un plan of solucion realistico.

Desde februari tur instancia na Aruba por a propone un solucion pa e tema di tires y ta solamente dos compania a presenta plan concreto. Esaki no ta momento pa bolbe crea tardansa den e clausura di e dump Parkietenbos, cual lo crea espacio pa candela sigui surgi.

Na e momento aki ta keda na e ciudadano cu ta doño di vehiculonan pa haci su escohencia na fabor di nos Pais.

Den esaki e ciudadano tin diferente opcion pa deshaci di nan taira:

1. E consumidor por opta pa un tire shop cu ta brinda servicio incompleto, bay cu su taira, y tir'e den mondi. Si scohe pa pone moralidad un banda y dañanos medio ambiente, ta core e riesgo di un multa te cu 10,000 Florin of 6 luna den prison ya cu esaki ta un acto castigabel ("strafrechtelijk").

2. E consumidor por opta pa un servicio incompleto, bay cu su taira, y entrega esaki personalmente cerca Ecotech Freezone NV unda e lo paga Afl. 0.19 cent pa kilo. E gran mayoria di chauffeur na Aruba ta haci uso di un taira di mas o menos 12 kilo, esta Afl.2,28 pa segura cu su taira wordo procesa den un manera responsabel. E consumidor tambe por opta pa haci uzo di e servicio di e negoshinan cu ta recoge desperdicio y hiba esaki na pa ser procesa manera menciona ariba.

3. E consumidor por

opta pa un servicio completo cerca cualkier otro tireshops na Aruba, incluyendo e transporte di taira na e Ecotech Freezone NV of Caretra VBA pa procesamiento responsabel. Asina nos tur por contribui na paga e candela na dump y tene Aruba limpi.

Minister Arends ta gradici tur compania y ciudadano cu ta forma parti di e solucion pa por cera Dump Parkietenbos, y pa segura cu tairanan por wordo procesa den un forma responsabel pa por paga e candela na Parkietenbos y scapa nos medio ambiente.

A firma contract pa preparashon pa 'mental health professionals'

ORANJESTAD - Diahuebs merdia, a tuma luga e firmamento di e contract pa loke ta e opleiding pa mental health professionals na Aruba. Ta asina cu diferente stakeholders di Stuurgroep-GGZ a firma pa asina inicia e opleiding pa mental health professional, esaki ta un novedad pa Aruba pero tambe pa nos region, caminda dentro di poco lo tin 17 persona mas cu lo ta opgeleid pa por brinda e cuidado necesario. Algun tempo pasa a aproba 250mil florin pa asina por percura cu e 17 candidatonan aki por bay e opleiding pa mental health professional.

Un paso sumamente importante cual ta fit perfecto den e vision di Ministerio di Husticia y Asuntonan Social.

Segun minister di Husticia y Asuntonan Social Rocco Tjon, e vision ta pa haci e cuidado ora ta trata adiccion, pero tambe salud mental mucho mas accesibel pa un y tur. A base di esaki lo bay tin 17 profesional cu no ta resorta solamente bou di un departamento, pero cu ta resorta bou di diferente departamentonan, pa di e forma ey brinda e ayuda y e cuidado necesario ora ta toca e parti di salud mental.

E opleiding aki ta bay wordo brinda door di Rino Zuid den cooperacion cu Mental Health Caribbean, y e ta bay ta un opleiding reconoci pa di e forma ey, dentro di poco Aruba lo tin su Geestelijk Gezondheidswerkers activo akinan na Aruba mes, pa haci e cuidado uno mucho mas accesibel y brinda un miho cuidado.

Manera ta conoci a base

di e vision a termino largo tin diferente werkgroepen cu ta trahando, cual ta consisti di trahadonan di e veld. Pues, e bunita di e proyecto di mental health professional opleiding ta, cu el a anace for di e veld mes y for di ministerio di Husticia y Asuntonan Social a aproba esaki mesora, pa di e forma ey aporta tambe na

eleva e calidad di cuidado. Por ultimo, e mandatario a expresa di ta sumamente satisfecho di a presencia FADA, Witgele Kruis, Stichting Hunto (FMAA y SPD), como tambe Respaldo, durante e momento special aki, mirando cu e personanan cu ta bay participa na e opleiding aki, ta bin for di e departamentonan ak.



DEPORTE

Porfin landamentu atrobe pa Klein Boneiru

KRALENDIJK--Dos aña Boneiru mester a warda, pero awó por landa bai Klein Boneiru atrobe pa un bon kousa.

Djadumingu 2 di òktober lo ta e dia, di kua Stichting Jeugdwerk Jong Bonaire pa di 20 biá ta organisá “Swim

to Klein Bonaire” for di Eden Beach. E evento popular aki ta start na kuminsamentu di Regata i ta e intenshon pa logra fondonan ku esaki pa e aktividatnan despues di skol. E ganashinan ta bai kompleto pa e aktividatnan di e sentro

organisá pa e muchanan. E dos aña ku a pasa e evenementu no por a tuma lugá pa motibu di e pandemia di Korona. E aña aki ta primintí ku esaki atrobe lo bira hopi leuk manera den pasado. Ta fèrwagt mas òf menos un 500 hende ku lo partisipá na esaki.

Esaki den un pustamentu pa landa bai Klein Boneiru bin bèk, pero tambe un aktividat pa famia kaminda asta esunnan di mas chikitu tambe por bai huntu riba un flòter òf huntu ku amigunan kaminda por kombèrsá i kanta ku alegria.

Eesaki ta nòrma den landadónan lo wòrdu dirigi meskos ku sèmper dor di botonan i Kajaknan di Wardakosta,

Stinapa, Woodwind i bo-luntarionan.

Partisipantenan ta haña un T-shirt.

Huntu lo tin “warming-up” riba beach i un refresko na final.

Krus Kòrá Kòrá tei presente si akaso ta nesesario.

Jong Bonaire

Stichting Jeugdwerk Jong Bonaire ta un sentro despues di skol pa aktividatnan.

Ora skol kaba e muchanan por bai na Jong Bonaire i por haña un lunch grátis.

Despues ku kaba kome, nan por chillen, hasi deporte òf hasi weganan di bòrchi. Ku un donashon chikitu e muchanan ta haña guia ku nan “huiswerk” òf

nan ta forma parti di kòm-bèrsashon den grupo òf wòrkshòpnan instruktivo.

Fuera di esaki por pensa riba ku tópikonan manera violencia di kas, pero tambe pa kombèrtí den método di káلكulo Europeo na esun di Merka. Nan ta haña informashon tokante di eskoho di un profeshon, alkohòl i usamentu di droga, “seif sèks” i muchu mas.

Despues di 4' or tin diferente aktividatnan di spòrt, edukashon i rekreasjon, wentsùrf, beisbòl, pinpòn, island tour, músika, proyektonan di kompiuter, “make-up”, landamentu, dùik etc.

Tur esakinan na Jeugdhuis Jong Bonaire despues di oranan di skol.

FITTIPALDI FOTOGRAFO
BO REKUERDO MI RESPONSABILIDAT
fittipaldipietersz@hotmail.com
Facebook: Fittipaldi Pietersz
WhatsApp – C:(599) 7856412

Temporada Beisbòl Pony League ta kuminsá djárason awó

KRALENDIJK--Temporada di Beisbòl Pony League ta kuminsá djárason awó na Fèlt Dudy Josephia o sea e bòlpark remodelá, esaki mihó konosí komo Ama's Ballpark na Tera Kòrá. Aworí por sièrto un hoyo di un bòlpark pegá ku Jossy Boekhoudt Ballpark i Fèlt ATC na Tera Kòrá.

E kampionato ta tuma lugá di 24 ougùstùs pa 18

sèptèmber 2022. E kategorianan den e kampionato ta di 6U, 8U, 12U i 15U.

Weganan lo ta di djárason pa djadumingu.

Djárason pa djabièrnè e weganan ta di 5:30 pa 6:45. Djasabra i djadumingu e weganan lo ta di 8'or mainta pa 5'or atardi. Den entrevista ku nos lo tin ku Kumar Piar e siman aki, nos lo bini ku mas informashon tokante esaki.

Timnan den e kampionato

Kategoria 6U

Wolfpack Rays
Wolfpack Braves.
Angels.
Stars.

Kategoria 8U

Wolfpack Mets.
Wolfpack Orioles.
Wolfpack Padres.
Tigers.
Stars.

Kategoria 10U

Wolfpack Reds.
Wolfpack Padres.
Stars.

Kategoria 12U

Wolfpack Redsox.
Stars.
Tigers.

Kategoria 15U

Wolfpack Marlins.
Tigers.
Stars.

SV Real Rincon na kabes Buèlta Seis

KRALENDIJK--E kampionnan di SV Real Rincon ta na kabes di plei-

òf Buèlta Seis despues di djabièrnè último, di kua tur e 6 ekiponan den e plei-òf

a hunga un partido. Posishon ekiponan. Éksito na e ekiponan den e plei-òf.

SV Real Rincon	1 hungá	1 ganá	saldo +3	3 punto.
SV Vitesse	1 hungá	1 ganá	saldo +2	3 punto.
SV Estrellas	1 hungá	1 ganá	saldo +1	3 punto
SV Vespo	1 hungá	1 pèrdí,	saldo -1	0 punto.
SV Uruguay	1 hungá	1 pèrdí	saldo -2	0 punto.
SV Atl. Flamindo	1 hungá	1 pèrdí	saldo -3	0 punto.

Ramari B.V.

ta buska

-2 bouw supervisor -2 loodgieter
-2 schilder -2 electricien
-2 timmerman -8 metselaar

Pa mas inf. yama **782-0119**

Yuda nos tene nos playanan limpi



DEPORTE

SV Estrellas 2-1 riba SV Vespo den plei-òf Buèlta Seis

KRALENDIJK--SV ougùstùs 2022, den partido Estrellas di Nort Saliña, djabièrnè último 19 ku a tuma lugá den Stadion Antonio Trenidad na Rincon, a gana di e ekipo di SV Vespo di Rincon ku skor di 2-1 den kontinu-

ashon di plei-òf Buèlta Seis kampionato 2022 di futbòl di nos isla. Tabata un partido ku SV Estrellas fo'i tempran a pika dilanti, despues SV Vespo ta empatá 1-1, pa finalmente SV Estrellas bai den bentaha i mantené bentaha pa bai ku e viktoria di 2-1 i tres puntonan di e partido. Tabata na di 17 minüt di e partido ku SV Estrellas a bai dilanti 1-0 ku gol di Javier Martha. Na di 31 minüt di e partido SV Vespo ta empatá e partido 1-1 ku gol di Jursten Trenidad, por sièrto tremendo kabesaso riba un kruse di Jandino Frans. Ku e skor empatá

na unu e partido ta parti na dos pa sosiegu reglamentario di partido. Di dos mitar di e partido e ekiponan ta buta preshon riba otro ku atakenan, pero tabata SV Estrellas ku gol di Sigrel Burnet ta logra bai dilanti 2-1. Esaki tabata sufisiente pa SV Estrellas bai ku e viktoria i tres puntonan di e partido, ya ku despues di esaki e partido no a konosé mas gol, e partido ta finalisá den viktoria di 2-1 pa SV Estrellas di Nort Saliña. Ku e resultado aki pues, SV Estrellas ta logra su promé 3 puntonan di e plei-òf. Rèfri ku a dirigí e partido aki ta Ashier Martines huntu ku su asistentenan na banda. Un total di 508 fanátiko a paga pa mira e partido, loke ta bon pa 337 adulto, 118 mucha i 53 fanátiko riba 60 aña. Un danki di parti FFB ta bai na e fanatikada ku a paga pa mira e partido.

Riba potrètnan rèfrinan ku a dirigí e partido huntu ku e kapitannan di e ekiponan promé ku e partido, e ekiponan i tambe outornan di e golnan di e partido.



Selebando

DIASABRA
17
SEPT
2022

SELEBRANDO HUNTU KU

ERA OUTENTIKO

ERA 2022

DJ FÉ | DJ HUERTA

INFORMASHON DI KARCHI

SUPER EARLY	EARLIES	GENERAL
\$25	\$30	\$45

• GAS EKSPRES • LISA CONVENIENCE STORE

VIP = LIMITÁ

RESV DI VIP (RAHEEM) +999 780 1525

CLUB C.A.B

"CHINESE ASSOCIATION OF BONAIRE"

10 PM - 3 AM

ERA 40 ANIVERSARIO

BAN BAILA NA BONEIRU



Tene nos playanan limpi

èxtra
...number 1
www.extraboneiru.com

Tep di luna ougùstùs 2022



Prevení “Smishing”



- ➔ No klek riba e lenk ku a manda via sms, especialmente si esun ku a mand'é ta deskonosí òf no ta konfiabel.
- ➔ Nunka kompartí bo informashon personal via sms (por ehèmpel bo PIN, bo kódigo pa 'online banking' òf otro informashon di seguridat).
- ➔ Si aksidentalmente tòg bo a kompartí bo informashon di banko, tuma kontakto inmediatamente ku bo banko i ku polis.

Si bo a bira víktima di krímen sibernétiko, tuma kontakto ku polis.
cybercrime@politiepcn.com | www.politiecn.com | +599 715-8000

LABIRGEN MARIA, Reina di shelu i tera
 22 di Ougùstùs 2022
“Ata sirbidó di Señor, laga sosodé ku mi loke bo a bisa.”
 (cf Lukas 1,38)

Un entrega inkondishonal di Labírgen Maria na boluntat di Dios, ta loke nos ta lesa di dje awe den Evangelio. Kai na kuenta ku Labírgen Maria no tabata sa presis kiko ta nifiká bira “mama di e Yu di Dios.” (cf Lukas 1,35) Dia e hóben Hesus a keña atras den tèmpel i Labírgen ku San José a bai kontr'E, Hesus a bisa nan: “Boso no sa ku ta den kas di mi Tata Mi mester ta?” (cf Lukas 2,49) “Nan, esta Labírgen i San José, no a komprondé loke Hesus a bisa nan.” (cf Lukas 2,50)

Apesar pues, ku Labírgen no tabata sa, kiko tabata bai pasa kuné, el a someté su mes na boluntat di Dios. Mare kada un di nos por bira mas sensibel pa manifestashon di boluntat di Dios na nos. I mare nos por tin e humildat i kurashi pa someté nos mes na boluntat di Tata.

Señor oumentá mi fe den Bo. I bisa mi kiko ta bo boluntat.

1L Is 9,1-6; Salmo 113,1-8; Ev. Lukas 1,26-38

005999-522-4056 | Un Snechil Pan | unsnechilpan

Tur loke ta payroll i HR den bo plant'i man!
www.payrollprohrm.com

GET IT ON Google Play | Download on the App Store | Payroll Pro

Pa info i komunikado den Extra/BONERIANO, USA MAIL: extrabon@gmail.com



super special

15.6" HP LAPTOP

\$495



hp OFFICIAL STORE



COMPUTER DESK **\$99**

HOT price

LAPTOP BACKPACK

\$31



WIRELESS MINI MOUSE **\$19.95**

City Shop

Smart shopping ▶ Better living

Kaya International #36 | www.cityshopbonaire.com | City Shop Bonaire
 +599 717.36.66 | info@cityshopbonaire.com | +599 700.64.42